



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

II. Bischof Hermann von Verden bestätigt die Schenkung des Grafen Hermann von Wertbeck zur Stiftung des Klosters Marienwerder zu Diesdorf, am 10. Dezember 1160.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

II. Bischof Hermann von Verden bestätigt die Schenkung des Grafen Hermann von Wertbeke zur Stiftung des Klosters Marienwerder zu Diesdorf, am 10. Dezember 1160.

In nomine sancte et individue Trinitatis. Hermannus, diuina ordinante misericordia Fardensis Ecclesie Episcopus. Nouerit omnium fidelium Christi tam presentis quam futuri temporis industria, quod Hermannus Comes, Odhelrici, comitis de Wertbeke, filius, pro remedio anime sue suorumque parentum in fundo terre sue, que nunc insula sancte Marie vocatur, libere deo et b. Marie obtulit et ibi canonem et inclusas moniales sub regula Augustini deo et beate Marie seruire instituit. Quo quidam venerabilis frater Yso adueniens, vt eternam sui hominis memoriam apud deum conderet, in eodem dicto agro nocte et die laborauit et proprio labore fideliumque oblatione adiutus hanc ecclesiam deo cooperante consummavit. Predictus quoque comes VII mansos hereditatis sue concessione heredum suorum eidem ecclesie libere contradidit, ea ratione, vt ipse suusque filius, vel si filii defuerint quicumque senior in cognatione esset defensor et aduocatus eiusdem ecclesie vocaretur et esset. Nos vero eiusdem comitis et predicti fratris petitionibus acquiescentes eandem ecclesiam in honorem sancte crucis et beate Marie III idus Decembris consecrauimus, et vt auditoribus diuini officii non careret villa disthorp pro recompensatione vnus mansi mater ecclesie duret et VIII villas videlicet berchmere, berchmere, abbanthorp, varenthorp, pychenusen, ellenbeke, watekoten, budenstede, quarum incole adhuc Sclaui erant, eidem ecclesie contradidimus. Ipsos etiam canonicos ibidem seruientes permissioe fundationis liberam electionem in substituendo prelato habere decreuimus, et vt nulla persona spiritualis siue secularis super eosdem deo ibi seruientes nisi solus spiritualis pater eorum potestatem et prelationem sibi usurpet firmiter precepimus. Et vt hec nostre auctoritatis donatio stabiliter permaneat habano confirmamus et sigillo corroboramus. Data Anno ab incarnatione domini M. C. LXI. Indict. VIII epacta XXII. Concurrente VI. Anno Hermanni Episcopi XIII. regnante Fritherico Romanorum Imperatore.

Gerken's Fragm. I, 1.

III. Papsst Clemens III. bestätigt die Stiftung des Klosters Diesdorf und diesem die freie Wahl des Propstes, am 25. August 1188.

Clemens episcopus, seruus seruorum dei, dilectis filiis Johanni presbitero, sancte Marie in insula prouifori, et aliis eiusdem loci personis in diuino seruitio ibi commorantibus salutem et apostolicam benedictionem. Quotiens ab apostolica sede petuntur, que pacem ecclesiarum respiciunt et quietem, animo nos decet libenti concedere et vota, que a rationis tramite non discordant, effectu prosequente complere. Ea propter uestris precibus annuentes memoratam ecclesiam Sancte Marie in insula cum omnibus, que in presentiarum iuste et pacifice possidet aut in futurum possidebit, largitione regum vel principum seu oblatione fidelium vel aliis iustis modis poterit adipisci, sub beati Petri et nostra protectione suscipimus et presentis scripti patrocinii commu-